

ՎԵՀԱՓԱՌ ՀԱՅՐԱՊԵՏԸ ԵՐԿՈՒ ԱՎԱԴԵՄԻԱՆԵՐԻ ԱՆԴԱՄ

Նորին Սբ. Օծություն Տ.Տ. Գարեգին Ա Կաթողիկոսն ընտրվել է Համաշխարհային ինֆորմատիկացիայի /Կանադա/ և Ժողովուրդների Համաշխարհային «Էլիտա» /Հարավսլավիա/ ակադեմիաների անդամ: Սեպտեմբերի 26-ին այցելելով Մայր Աթոռ Սբ. Էջմիածին, այս մասին հայտնեցին և անդամության դիմումները Վեհափառ Հայրապետին հանձնեցին Համաշխարհային ինֆորմատիկացիայի ակադեմիայի նախագահ Ազատ Վարդանյանը և «Էլիտա» ակադեմիայի նախագահ Միլան Չեթար:

Պրն. Վարդանյանը տեղեկացրեց, որ երկու ակադեմիաներն այն 80 կապակերպություններից են, որոնք գործում են ՄԱԿ-ի հովանու ներքո: Այս ակադեմիաների անդամներ են Ալեքսիյ Բ Պատրիարքը, Բորիս Ելցինը, Բուտրոս Ղալին և նշանավոր այլ դեմքեր: Պրն. Վարդանյանը հաղորդեց նաև, որ երկու ակադեմիաները Հայաստանում կունենան իրենց մասնաճյուղերը, նրանց համատեղ ջանքերով Երևանում հիմնվում է բժշկական կենտրոն:

Վեհափառ Հայրապետը շնորհակալություն հայտնեց շնորհված տիտղոսի համար՝ այն դիտելով իբրև Մայր Աթոռ Սբ. Էջմիածնի նկատմամբ ցուցաբերած բարձր գնահատանքի արտահայտություն: Վեհափառ Հայրապետը, իր օրհնանքը տալով ներկաներին, հույս հայտնեց, որ ակադեմիաների գործունեությունը կնպաստի Հայաստանում գիտական մտքի վարճացմանը:

ՄԱՄԼՈ ԴԻՎԱՆ ՄԱՅՐ ԱԹՈՌԻ